

# BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka



Агенција за развој високог образовања  
и обезбјеђивање квалитета  
Босне и Херцеговине  
Бања Лука

*Agency for Development of Higher Education and Quality Assurance of Bosnia and Herzegovina*

Broj: 06-16-5-139-18/18

Datum: 19.04.2018. godine

Na osnovu člana 61. Zakona o upravi („Službeni glasnik Bosne i Hercegovine“, br. 32/02 i 102/09), člana 51. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), člana 70. Zakona o javnim nabavkama („Službeni glasnik Bosne i Hercegovine“, broj 39/14), direktor Agencije za razvoj visokog obrazovanja i osiguranje kvaliteta, *donosi*

## **ODLUKU**

***o izboru najpovoljnijeg ponuđača i dodjeli okvirnog sporazuma u postupku konkurentskog zahtjeva za dostavljanje ponuda za javnu nabavku usluga prodaje i isporuke avio-karata za potrebe Agencije za razvoj visokog obrazovanja i osiguranje kvaliteta***

### **I**

U postupku konkurentskog zahtjeva za dostavljanje ponuda za javnu nabavku usluga prodaje i isporuke avio-karata za potrebe Agencije za razvoj visokog obrazovanja i osiguranje kvaliteta, uz objavu dodatnog obavještenja na portalu javnih nabavki, broj: 207-7-2-25-3-3/18 i 207-7-2-25-8-4/18 od 13.03.2018. godine, kao najpovoljnija ponuda bira se ponuda ponuđača, „Mrkulić Company“ d.o.o. Sarajevo, Dr. Mustafe Pintola 23, 71 000 Sarajevo, sa ukupnom cijenom ponude u iznosu od 16,67 KM bez PDV-a sa uračunatim popustom, odnosno 19,50 KM sa PDV-om, i navedenom ponuđaču dodjeljuje se okvirni sporazum.

### **II**

Po okončanju roka za žalbu ugovorni organ će sa izabranim ponuđačem zaključiti okvirni sporazum u trajanju od dvije godine od dana zaključivanja, kojim će se regulisati međusobna prava i obaveze vezano za predmetnu javnu nabavku shodno uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

### **III**

Ova odluka će se dostaviti svim ponuđačima u predmetnom postupku javne nabavke uz obavještenje o rezultatima postupka.

### **IV**

Ova odluka stupa na snagu danom donošenja i objavit će se na internet stranici Agencije, [www.hea.gov.ba](http://www.hea.gov.ba), danom upućivanja ponuđačima.

## **Obrazloženje**

Nakon provedenog postupka konkurentskog zahtjeva uz dodatnu objavu obavještenja o javnoj nabavci na portalu javnih nabavki, broj: 207-7-2-25-3-3/18 i 207-7-2-25-8-4/18 od 13.03.2018. godine, za dostavljanje ponuda za javnu nabavku usluga prodaje i isporuke avio-

karata za potrebe Agencije za razvoj visokog obrazovanja i osiguranje kvaliteta, pokrenutog Odlukom direktora, broj: LV 06-16-5-139-2/18 od 06.03.2018. godine, a na osnovu Konkurentskog zahtjeva za dostavljanje ponuda, broj: 06-16-5-139-5/18 od 13.03.2018. godine, Komisija imenovana Rješenjem direktora, broj: LV 06-16-5-139-3/18 od 06.03.2018. godine, je izvršila pregled i ocjenu blagovremeno prispjelih ponuda, te konstatovala da je u predmetnom postupku zaprimljene dvije ponude, te u skladu sa kriterijumom najniže cijene, utvrđenim tačkom 8. Kriterijum dodjele ugovora i cijena, navedenog Konkurentskog zahtjeva, sačinila rang listu prihvatljivih ponuda koja čini sastavni dio Zapisnika o pregledu i ocjeni ponuda, broj: 06-16-5-139-10/18 od 28.03.2018. godine, shodno kojoj je: prvoplasirana i najpovoljnija prihvatljiva ponuda za javnu nabavku usluga prodaje i isporuke avio-karata, ponuda ponuđača „Mrkulić Company” d.o.o. Sarajevo, Dr. Mustafe Pintola 23, 71 000 Sarajevo, sa ukupnom cijenom ponude u iznosu od 16,67 KM bez PDV-a sa uračunatim popustom, odnosno 19,50 KM sa PDV-om.

Na osnovu prijedloga Komisije, direktor Agencije donio je Odluku o izboru najpovoljnijeg ponuđača i dodjeli okvirnog sporazuma, broj: 06-16-5-139-11/18 od 04.04.2018. godine. Na navedenu Odluku blagovremeno je žalbu izjavio ponuđač „Centrotrans Eurolines“ d.d. Sarajevo zbog povrede odredaba Zakona o javnim nabavkama, odnosno iz razloga što ugovorni organ nije od prvoplasiranog ponuđača tražio pojašnjenje neprirodno niske cijene. Ugovorni organ je, cijeneći osnovanim navode žalbe, donio Rješenje, broj: 06-16-5-139-14/18 od 09.04.2018. godine, u skladu sa članom 66. Zakona i članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14), kojim je Odluka o izboru najpovoljnijeg ponuđača i dodjeli okvirnog sporazuma, broj: 06-16-5-139-11/18 od 04.04.2018. godine poništena i Komisiji za nabavke naloženo da od ponuđača „Mrkulić Company“ d.o.o. traži pojašnjenje neprirodno niske ponuđene cijene u skladu sa članom 66. Zakona i članom 17. stav (7) Uputstva. Nakon što je Komisija zaprimila pojašnjenje cijene ponuđača „Mrkulić Company“ d.o.o. Sarajevo, ponovno je pristupila pregledu i ocjeni ponuda, prihvatila pojašnjenje cijene koje je dostavio ponuđač „Mrkulić Company“ d.o.o. i, u svom Zapisniku, broj: 06-16-5-139-17/18 od 19.04.2018. godine, predložila direktoru da donese odluku o izboru „Mrkulić Company“ d.o.o. kao najpovoljnijeg ponuđača u postupku konkurentskog zahtjeva za dostavljanje ponuda za javnu nabavku usluga prodaje i isporuke avio karata za potrebe Agencije za razvoj visokog obrazovanja i osiguranje kvaliteta i sa istim zaključi okvirni sporazum na period od dvije godine od dana zaključivanja.

Članom 70. stav (6) Zakona o javnim nabavkama BiH propisano je da ugovorni organ predmetnu odluku objavljuje na svojoj internet stranici istovremeno sa njenim upućivanjem ponuđačima koji su učestvovali u postupku javne nabavke. Dalje, članom 71. Zakona o javnim nabavkama BiH, utvrđena je obaveza ugovornog organa da predmetnu odluku dostavi svim ponuđačima koji su učestvovali u postupku javne nabavke uz obavještenje o rezultatima postupka.

Cijeneći navedeno, odlučeno je kao u dispozitivu ove Odluke.

**Pouka o pravnom lijeku:** Protiv ove odluke dozvoljena je žalba u pisanoj formi na način i u roku propisanim članom 99. i 101. Zakona o javnim nabavkama Bosne i Hercegovine, u dovoljnom broju primjeraka, a koji ne može biti manji od tri. Žalba se izjavljuje ugovornom organu – Agencija za razvoj visokog obrazovanja i osiguranje kvaliteta, Ulica akademika Jovana Surutke 13, Banja Luka.

Shodno članu 108. Zakona o javnim nabavkama BiH žalilac je obavezan platiti naknadu za pokretanje žalbenog postupka. Uplata naknade se vrši u skladu sa Instrukcijom o načinu

uplate, kontrole i povrata naknada propisanih članom 108. Zakona o javnim nabavkama („Službeni glasnik BiH”, broj 86/14).

**Dostaviti:**

1. Ponuđačima u postupku
2. a/a

**DIREKTOR**

---

**Prof.dr Enver Halilović, s.r.**